

欽定平定教匪紀略

欽定平定教匪紀畧卷二十一

十一月二十三日戊寅那彥成高杞楊遇春奏言

竊臣等圍攻滑城於十二日派出官兵攻打北

門十六日又攻南門使賊人習以爲常以便攻

其不備至十九日臣等親督鎮將齊攻五門並

於城外礮臺用大礮轟擊城垣令趨捷兵丁各

用擋牌遮蔽矢石又派兵丁藏身木斗之內下

用輪盤推至城牆根下刨挖城磚一面官兵齊  
力發鎗呐喊直前城上百姓見而驚慌紛紛趨  
城投出詎賊匪鳴鑼呼號悉力抗拒鎗礮矢石  
紛下如雨我兵奮勇攻打鎗箭所及約斃城上  
賊匪二百餘人所用撫牌木斗間被賊匪用大  
石擊碎及拋擲草把焚燒連日以來弁兵多有  
傷亡臣等萬分憤恨同深切齒現復於各門外

添挖濠溝一道加排鹿角一層嚴密合圍總不  
使賊匪竄越至長垣一股竄匪前由封邱延津  
陽武一帶滋擾嗣據探報該匪因迤西一帶兵  
勇防禦嚴密復由獲嘉新鄉北竄輝縣十七日  
竄至林縣之臨淇鎮燕河焚掠前已派楊芳特  
依順保富僧德等帶兵前往又派色爾滾德寧  
阿帶領吉林黑龍江官兵一千名及蘭州靜寧

續到官兵一千名均飭令由彰德一帶顧住北面會同迎頭抄截今據楊芳等稟報已於十八日由淇縣一帶入山截剿可以顧住北面等情日內一經接仗必可得手至此時圍城帶兵乏人臣等仍將富僧德調回大營此次攻城時總下難民除被賊截回傷斃外赴營報到者有五十餘人已飭訊明發縣安插富僧德左臂帶有

鎗傷幸僅傷肉皮不重此外傷亡弁兵另容查明咨部辦理再准托津來信已由開州帶兵三千一百名移駐德州並令總兵徐錕赴開州防守再堵等語臣已飛飭徐錕前往開州實力防守再查富僧德特依順保前次截剿長垣一股竄匪所有鎗斃劉姓賊目及坐車賊首據獲犯供稱劉姓是劉二當家不知名字此股賊首聞係劉

輻明又有賊首三四人同竄實不知姓名等供  
其前次投出之難民三百餘人發交衛輝府督  
縣造冊妥爲安插其隨營之二十餘人現亦一  
併遣散不致奸宄混跡

那彥成又奏言本月十九日欽奉

諭旨以封邱竄匪奔至輝縣派高杞帶兵馳往堵剿  
臣伏思此時賊匪竄至林縣距滑縣二百餘里

計特依順保楊芳已由彰德一路入山顧住北  
面相距賊匪不遠臣又將色爾滾等派往諒早  
晚卽可接仗刻下圍攻滑城正當萬分喫緊之  
際軍營兵力不敷布置如令高杞再分兵馳赴  
輝縣一帶則此間兵力更單礙難顧彼失此所  
有林縣竄匪臣已責成特依順保德寧阿楊芳  
色爾滾等併力截剿斷無滋蔓之虞請將高杞



仍留滑縣軍營似與軍務有裨臣與高杞及楊  
遇春商酌意見相同據實覆

奏

那彥成又奏言竊臣欽奉

諭旨詳查童叟初濟渡難民緣由查蘭陽縣所管村  
莊大半俱在黃河北岸前此九月二十三日賊  
匪竄至蘭陽王里集難民逃奔河灘羣在淤泥

淺水之中哀號求救該縣童泰初放船救渡自  
辰至申督同兵役細加盤詰互相認識者始准  
濟渡所渡難民均註有村莊住址姓名冊冊賊  
退之後又經童泰初飭傳親族領回通計難民  
二千三十二名又毘連之考城縣難民二十二  
名住址確鑿是童泰初當日所渡實係難民並  
無奸細在內該縣地方現在寧謐所辦尙無不

金匱要略卷之二十一  
合臣已欽遵

恩旨將童泰初卽日開枷仍飭令在河干一帶幫同  
委員嚴密防守

同日章煦奏言竊臣於二十二日寅刻接奉二  
十一日巳正二刻

硃筆諭旨臣跪讀之下憤懣駭汗不能起立伏思逆  
匪李文成等罪惡滔天竟敢突圍分竄河北州

縣上煩

聖慮焦勞凡在臣工心膽俱裂敢不熟籌堵禦之方  
免致蔓延滋患查滑縣係在豫省宜溝驛一帶  
入直大路之東而輝林等處則在大路以西今  
賊匪西竄勢必經由宜溝大路該處與入直首  
站磁州貼近是以該州前稟撥僱兵夫守禦邊  
界今奉

旨令托津高杞帶兵前往自可兜擒堵截托津現駐  
大名高杞現駐滑縣均離磁州一帶不遠兩三  
日內卽可到彼至磁州邯鄲等處當賊匪滋事  
之初卽已雇募壯丁協同防守尙恐人少力微  
難資守禦查藩司素納現在大名府駐劄臣卽  
於本日寅刻飛飭該司星往磁州作速添雇壯  
丁上緊團練其迤北邯鄲一帶凡有路達輝林

之處並令查探賊蹤相度形勢一體布置嚴密  
而尤以防守城垣爲重并先札飭磁州知州何  
道榜飛速趕辦勿使一賊竄入直境至李文成  
劉綯明二逆實爲覆載不容神人共憤臣謹遵  
聖諭大張告示布示官兵兆庶奮力擒獲上邀

懋賞其自磁州至省沿途驛站臣并飛檄傳知凡遇

南來軍報加緊飛遞臣一得信息隨卽馳奏仰

金匱要略卷之二十一  
慰

聖懷再臣前奏故城縣拏獲匪犯霍應方等十七犯

現已迎提到省

臣

親加嚴鞫已據供認與滑縣

匪徒李姓馮克功宋二通同謀逆現在景州人

宿元謨一犯亦據稟報拏獲並所攜推背圖一

本訊據供稱伊拜從故城縣押窩村人劉坤爲

師推背圖係劉坤所傳劉坤之師霍元芳亦居

押窩村並另有徒黨蘇洛俊等十餘人等語臣

復提訊霍應方據供宿元謨之師劉坤實係伊

徒本年八月內宋二到伊家約令助逆伊同劉

坤宿元謨及蘇秀齋朱虎四人並製造白旗上

寫奉天開道字樣爲號等供是宿元謨卽係霍

應方一黨臣現在飛提宿元謨及所攜圖本一

併嚴審並將霍應方宿元謨供出師徒黨與按



名訪拏歸案辦理奏入

上命軍機大臣傳諭那彥成高杞楊遇春曰那彥成等於十九日親督將士進攻滑城因賊衆抵死拒守尙未克復現復添挖濠溝加排鹿角杜賊竄逸該逆等困獸雖鬪諒亦不能多延時日惟由封邱竄往之賊現由輝縣之十八盤竄及林縣該匪不西竄大行卽恐北竄磁州一帶關係甚鉅前兩降

諭旨令高杞迅卽前往督辦乃本日摺內那彥成以現有特依順保德寧阿楊芳色爾滾等併力截剿請留高杞在滑縣軍營所辦非是特依順保等四人分屬將領彼此不相統轄現在此股賊內有首逆李文成最關緊要務須確實殲擒助惡之劉峒明等亦必應按名捕戮伊等帶兵打仗雖尙勇往於接仗之外查犯訊供皆非所能且俱不隹奏

事一切軍情賊勢必俟轉報那彥成再行奏聞豈  
不道路紆折是以特派高杞前往統率辦理以便  
隨時酌量機宜迅速具奏若謂高杞馳赴輝縣必  
須挑帶官兵正當圍城喫緊之時恐分兵力則現  
在特依順保等所帶之兵皆係勁旅爲數已多高  
杞不過酌帶弁兵數十名跟隨前往到彼後就該  
處兵力足敷調遣又何必分滑營之兵乎朕因此

股竄匪日深屢念此旨到後如西竄之賊業經特  
依順保等兜剿完竣或已攔回滑濬一帶則已如  
尙未得手著高杞遵旨卽刻起程馳往如再遷延  
違旨必不輕恕

上又命軍機大臣傳諭托津曰昨因首逆李文成與  
劉綯明賊夥由封邱竄至林縣一帶滋擾當經降  
旨諭令高杞帶兵馳往督剿並因林縣與磁州接

壤恐該逆由彼北竄復諭令托津速率馬瑜富蘭等帶兵星夜馳回探蹤迎擊托津於接奉諭旨後想已帶兵由磁州一帶進發此股竄匪現有色爾滾德寧阿特依順保楊芳追及剿殺日內托津到彼正可兩面夾擊如將該逆等就地剿滅卽查明李文成等下落迅速具奏務將此一股竄匪悉數殲除毋令一名攔入直晉邊境爲要

上又命軍機大臣傳諭章煦曰章煦奏嚴飭州縣練  
勇守禦並飛飭藩司素納馳赴磁州督辦等語所  
辦甚是此股竄往林縣賊匪疊經降旨諭令高杞  
前往督率特依順保楊芳等帶領吉林黑龍江馬  
隊迅速追剿並飭諭托津帶兵由磁州彰德一帶  
迎頭截擊一經接仗諒可就地殲除該署督務當  
飭令藩司素納督率地方文武各員加意防範以

杜竄逸並著傳諭素納差派弁兵詳爲偵探若托  
津等將此股竄匪剿淨並將李文成等逆首擒獲  
或追剿南竄俱著飛稟該署督加緊馳奏其所奏  
獲犯霍應方宿元謨等供出各犯著飭屬嚴拏務  
獲提訊確供如有干涉京城者嚴加鎖鑰解京質  
訊如無應行質訊之處均卽於保定省城按律辦  
理

上諭內閣曰蘭陽縣知縣童泰初前據高杞叅奏濟  
渡難民恐有賊匪潛往勾結將該員革職枷號茲  
據那彥成查明所渡實係難民當日均詳加盤詰  
有住址姓名細冊可稽並無奸匪混跡現在地方  
安靜該員所辦並無不合童泰初前已開枷著加  
恩開復原官留於河南遇有知縣缺出卽行補用  
同日刑部奏據順天府解交盧溝司巡檢韓邦



俊孥獲九月十五日潛入禁城十八日始行逃  
出之田二卽田起祿一犯臣等嚴飭審訊據供  
我是宛平縣南大窪人離朱家莊二里今年四  
十六歲十六年上劉呈祥邀我入會向林清磕  
頭本年九月十三日劉呈祥令大兒子劉懶平  
叫我十五日五更進城到南西門外取齊天亮  
後在草橋地方隨劉呈祥進南西門順城門到

西安門外見了旗頭董伯旺就跟他到

西華門外時已晌午有一內監出來劉呈祥先進  
門去劉幘平在賣柿子筐底下取出一把刀遞  
給我我就帶了大兒子田馬兒跟進

西華門把門關了將白布兩塊纏頭紮腰同他們  
一擁向北見朝西一個大門業已關閉我們撞  
門不開後來官兵隔門縫射出箭來大家都望

北逃跑出了甬子見官兵從北來弓箭鎗刀抵敵不住我走到

西華門上了馬道從馬道上跳到房上就下去在這房內藏躲藏了幾天十八日早爬到靠城的大樹上跳到城上順城走過門樓往北有一里多地見外邊城根堆有虛土就跳下去又蹬著磚塊上了倉房往北行走見有已折房間堆有

漫坡虛土就走下去又覓水過河爬石上岸從  
南邊柵欄門縫擠出由

西華門順城門彰義門逃往家中又逃往河西朱  
家墳被獲等語謹繕供奉

聞

上諭內閣曰署盧溝司巡檢韓邦俊緝獲逆犯田起  
祿訊明係九月十五日突入西華門由禁城越墻

逸出之犯該署巡檢能躡跡嚴拏不令漏網甚屬  
奮勉韓邦俊著加恩以縣丞卽用劉鑑之費錫章  
督率有方其覆奏陳紹榮不實一案處分著加恩  
開復

上又諭內閣曰本年九月十五日之變奸民林清倡  
首作亂其附近村莊隨同助逆者竟有二三百人  
實屬罪大惡極斷不能任其一名漏網國有常刑

法所不赦其能捕獲正犯者皆予破格施恩如拏  
獲林清之把總田濤番役張吉等超陞官職重賚  
帑金昨順天府奏署巡檢韓邦俊拏獲由西華門  
逸出之逆犯田起祿審訊明確特將該員以縣丞  
陞用並將該府尹等寬免另案處分以期羣知鼓  
勵迅獲兇渠乃連次各處拏獲人犯其中真偽相  
叅在十月十五日以前者審明多係真正逆賊其

十月十五日以後所拏之犯或僅止習教或全無干涉徒令承審官日夜研鞫廢時曠事所審者皆係無稽之事轉令有名逆犯遠颺漏網似此拖累無辜必至人人危懼轉瞬長至歲朝民間迎神獻歲如香燈爆竹等事皆避忌不敢舉行豈稱綏衆寧民之義朕愛育黎首除莠安良多保一良民增朕之福枉殺一無辜心實不忍著通行曉諭畿輔

億萬戶除有數莠民外其餘皆朕善良赤子宜各  
安生業無惑浮言現在未獲逆犯中如劉呈祥祝  
現劉第五等有確知其蹤跡者到官密首拏獲審  
明立將首告之人厚加賞賚並給與官職若妄報  
邀功照例治罪其或挾仇誣扳則誣告叛逆律有  
明條卽以叛逆之罪罪之步軍統領順天府五城  
亦各以此嚴飭兵役賞罰同之至愚民淫祀邀福



習俗漸染已久並非悉皆逆黨其家有供奉邪神  
及收藏違禁經卷或自行銷燬或呈繳到官既經  
改悔概行免罪該衙門卽迅速謄黃刊布俾衆聞  
知共喻朕除莠安良咸與維新之意

十一月二十四日訂那彥成高杞楊遇春奏言  
本月二十日據楊芳特依順保等稟報該鎮等  
會同德寧阿色爾滾合兵一處自北而南於十

八日由洪縣大廟口迎頭截剿沿途拏獲賊探  
訊知賊衆四千餘人在輝縣山內司寨地方屯  
聚內有戰手三四百人極爲強壯騎馬甚多該  
匪將司寨攻破佔踞背山臨川溝深墻固以爲  
負隅之計是日有賊二千餘人赴林縣臨淇鎮  
滋擾聞前有官兵攔截仍折回司寨拒守該鎮  
等會同商議挑選奮勇步隊六百名又派吉林

黑龍江馬隊六百名先於白土崗前山坳之中  
各分兩翼埋伏十九日黎明先派侍衛蘇倫保  
遊擊齊慎都司趙起貴守備張作功等帶兵四  
百名前赴司寨誘敵賊見我兵甚少寨內卽有  
賊匪三千餘人賊首四五人各執大白旗當先  
衝突勢甚兇悍蘇倫保等帶兵回馬誘賊賊匪  
恃衆直前至白土崗已八伏中楊芳特依順保

各帶步隊伏兵兩翼齊出鎗箭並發蘇倫保等  
回身併力攻擊賊匪抵死不退德寧阿色爾滾  
各帶吉林黑龍江馬隊突出衝殺鎗箭所及人  
馬無不立斃約計殺賊五六百名賊始驚慌奔  
竄官兵大隊追殺數里該匪退至南首山梁拋  
擲石塊仍復向下力撲我兵奮勇仰攻不避矢  
石登時搶上山梁侍衛伊爾通阿扎蘭保蘇清

阿吉勒彰阿副將會綬遊擊安惠熊敏謙都司  
馬鳴謙守備杜雋童順等分帶馬隊兵丁從山  
嶺抄出山前平地截住去路上下夾攻殺賊一  
千三四百人蘭州督標及固原提標官兵沿山  
趕殺尤爲趲捷餘匪僅存八九百人竄出平地  
我兵前後兜圍又殺斃四五百人其餘滾崖落  
澗者無數約計逃回賊寨者僅止一百數十人

官兵乘勝直抵司寨四面圍攻計此次打仗自  
辰至酉共殺賊二千四五百人生擒二百餘人  
奪獲鎗矛旗幟馬匹無算現在訊據活賊供稱  
寨內尙存賊匪五六百人鎗礮齊全有首逆李  
文成並劉輞明在內等情臣等查此股竄匪由  
長垣延津陽武新鄉獲嘉等處沿途滋擾所裹  
脅者諒係各處伏而未起之徒今官兵一經接

仗卽將賊匪殲擒殆盡該匪困守司寨自可卽  
日掃除軍威所懾由此至彰德順德一帶伏莽  
潛消謠言可息前奉

諭旨以此股竄匪必有著名賊目在內今訊知首逆  
李文成果在其內仰見

聖明洞燭機先現已飭令詳悉查探務令弋獲至此  
次殺斃賊匪其中著名賊目諒必不少緣楊芳

等軍行緊急據稟尙須查驗明白再行稟報其  
生擒賊匪二百餘人已飭令解營嚴訊此次打  
仗吉林黑龍江官兵馬隊極爲驍勇鎗箭無一  
虛發蘭州督標固原提標官兵均甚奮勇出力  
且有一人而殺十數名賊匪者是以殲戮所加  
賊之精銳已盡此股竄匪一淨我兵毫無牽綴  
更可併力攻城剋期集事至此次官兵受傷者



共有七人傷均不重俟查明咨部辦理

同日同興奏言竊臣欽奉

諭旨訪查宋躍濬一犯本日亥刻接據前派理事同

知武隆阿德州知州徐紹薪稟報訪得德州衛

人寄居故城縣郭維畛夙習拳棒當將該犯拏

獲究詰始據供稱認識宋大麻子名叫宋德波

號宋躍濬住居景州焦馬莊等語武隆阿卽會

同徐紹薪帶把總左壽寧外委周殿颺候補千  
總王承桂青州前鋒克木能額達杭阿德州候  
補驍騎校色清額領催會林并德州滿兵州役  
等一百名於十八日前赴景州焦馬莊小洋村  
地方將宋大麻子卽宋躍瀝並伊子宋德乾拏  
獲當卽會同查訊該犯供認屬實臣當卽連夜  
飛飭武隆阿會同德州營叅將覃廷薦將該逆

朱躍濇并朱德乾等星速解京送交刑部收審  
一面仍飭該州徐紹薪細訪逆犯馮克善下落  
設法務獲查德州一路朱躍濇旣已就獲卽馮  
克善到彼亦無可勾結之人臣已飛咨托津帶  
兵仍回開州現據探弁回稱逆首李文成在淇  
縣輝縣一帶滋擾欲分兩股以一股救援滑縣  
等情臣思該逆等如敢復回滑縣則城中之賊

必舍死衝出急需防其四竄當添派候補叅將  
傅爾果善都司楊聯萼帶兵三百名在開州交  
界高莊紮營守備劉大用帶兵一百六十名添  
防觀城至四川提督冬隆武經那彥成令其帶  
兵仍回東省臣囑令領兵六百名卽在東明縣  
郝士連集駐紮以扼賊匪來路其畢家寨扈家  
集安陵集三處陳廣寧及叅將馬建紀那清阿

仍分營駐劄臣復帶兵五百名策應各路備禦  
嚴密均奏入

上諭內閣曰豫省滑城以外各村賊匪經官兵屢次  
痛剿殲戮殆盡惟餘竄匪一股由封邱折竄輝縣  
擾及林縣訊據賊供賊首李文成卽在其內經那  
彥成等分派特依順保楊芳續派德寧阿色爾滾  
帶領吉林黑龍江馬隊並蘭州固原兵丁馳往剿

辦茲據奏該將領等合兵一處自北而南由淇縣之大廟口迎頭截剿賊衆四千餘人在輝縣山內之司寨地方屯聚該將領等挑選官兵分爲兩翼先於山坳埋伏侍衛蘇倫保前往誘敵賊匪三千餘人蜂擁前來賊首四五人各執大白旗當先衝突經特依順保楊芳各帶步隊伏兵兩翼齊出鎗箭並發蘇倫保等回身併力攻擊德寧阿色爾滾

各帶吉林黑龍江馬隊突前衝殺立斃賊五六百  
名官兵奮勇搶據山梁侍衛伊爾通阿等又分帶  
馬步兵丁從山嶺抄出山前截住去路上下夾攻  
又殺賊一千三四百名蘭州固原官兵沿山趕殺  
復斃賊四五百人其餘滾崖落澗者無數約計逃  
回賊寨者僅止一百數十人官兵乘勝直抵司寨  
併力圍攻計此次打仗共殺賊二千四五百名生

擒二百餘名奪獲鎗矛旗幟馬匹無算訊據獲賊  
供稱寨內尙存賊匪五六百人首逆李文成並各  
賊目俱潛伏在內此股竄匪經該將領等奮勇剿  
殺殲擒殆盡甚屬可嘉德寧阿色爾滾特依順保  
楊芳四人著加恩各賞給四喜玉搬指一個花大  
荷包一對小荷包二個仍俱交部議敘侍衛伊爾  
通阿扎蘭保蘇清阿吉勒彰阿副將曾綬遊擊安



惠熊敏謙都司馬鳴謙守備杜雋童順打仗出力俱著交部議敘官兵受傷者七人均著照頭等傷給賞現在逆首李文成已困處司寨官兵奮力圍攻卽日成擒著那彥成等於破寨擒渠後將奮勇出力各弁兵一併查明據實開單保奏候朕施恩上又諭內閣曰宋躍濬一犯前據林清供出在德州一帶潛匿降旨飭拏茲據該撫奏稱派委同知武

隆阿會同德州知州徐紹薪將該犯拏獲解京武  
隆阿徐紹薪緝捕奮勉俱著加恩交部議敘

上命軍機大臣傳諭那彥成高杞楊遇春曰輝縣竄  
匪經官兵剿殺二千數百名餘匪無多困守賊寨  
自可卽日悉數殲擒該逆李文成現在此股賊內  
該督等當嚴飭楊芳等於攻破賊寨時留心擒捕  
毋令漏網其賊目劉愾明一犯亦係著名首逆據

稱亦在此股賊內並著於擒獲後一併解京計此  
旨到時楊芳等自己攻克賊寨掃數辦竣高杞自  
可無庸前往司寨賊巢旣破則滑城外援已絕毫  
無牽制之虞事機順利那彥成等當鼓勵將領兵  
丁併力圍攻以期一鼓克復其逆首徐安幘等於  
城破之後務須留心擒捕嚴密解京軍務大局平  
定托津前赴滑縣軍營彼時那彥成等會同熟商

再將如何各帶將領弁兵分投駐紮之處遵旨悉心妥酌辦理以靖餘氛

上又命軍機大臣傳諭同興曰宋躍濫一犯前據林清供出在德州一路糾人此時該犯就擒則馮克善無可勾結惟馮克善係著名賊目兩據獲賊供稱逃往德州恐仍在該處一帶伏匿該撫再嚴飭委員及該地方官嚴密查訪如將馮克善拏獲迅

速馳奏必將獲犯之人優予恩施現在德州一路  
地方安靜無須托津帶兵前往該撫飛咨托津仍  
回開州防堵所見甚是其西竄之李文成一股本  
日據那彥成等奏報在輝縣之司寨地方被官兵  
痛剿殲斃二千四五百人生擒二百餘人賊匪祇  
剩五六百人李文成卽在其內計旦晚卽可殲擒  
李文成一股殄除淨盡滑城外援已絕恐潰匪四

出旁竄東境毘連各處同興已分兵駐守務隨時偵探嚴密堵剿勿任一名竄逸爲要

同日托津奏言竊臣於九月二十二日途次大

名軍營接奉

訓飭諭旨跪讀之下自知冒昧糊塗辦理紕繆惶愧

交集臣於十九日行至大名因接同興來信知

德州一路已派登州鎮總兵富通德州城守尉

博卿阿帶兵往查是以現在大名界內地方駐紮等候茲奉

諭旨當卽帶領官兵迅回開州邊界嚴密防堵計大

名距開州僅止一百二十里可以一日趕到臣

俟滑城攻克之後直境竄匪捕淨仍遵前

旨馳赴那彥成軍營會籌善後事宜惟有加意詳慎

稍贖愆尤

托津又奏言查剿洗湯二等九村庄賊匪該官兵等或越過濠溝勇往爭先或拋擲火彈焚燬賊巢人人勇敢文職守護城池籌辦軍需亦均出力欽奉

諭旨令臣據實保奏除打仗奮勇之前任浙江遊擊何化龍因軍政才力不及降二級以守備歸部銓選又直隸守備聶士文甫經陞補均毋庸給



予獎勵護軍叅領福英阿職分較大不敢奏請  
陞擢外所有在事尤爲出力文武各員并謹開  
列清單伏候

訓示

同日百齡奏言竊臣前因匪徒有由濮州折竄  
金鄉之信當經嚴兵備禦茲節據總兵樊雄楚  
沈烜尙維侗叅將奇理克特縣丞姚鳳階盤獲

匪犯張志等五名臣親提嚴訊張志習離卦教

在定陶刦獄戍官復前往睢州口岸焚燒料垛

係戴均元奏明緝拏要犯又僧宗印亦在定陶

刦獄戍官偽封護國禪師因探聽河南江南官

兵消息在黃岡集盤獲又陳位習震卦教郝因

志習乾卦教均在金鄉葦子坑等處放火搶刦

又楊振祥伊子楊一元習教謀逆前被官兵殲

斃該犯知情不首臣於訊明後卽分別凌遲正

法現在逃散餘匪由長垣至豫省封邱延津一

帶向西竄擾距東省金鄉較遠臣已飭將調往

豐縣駐紮之提標官兵仍令回赴碭山楊家集

駐守其單縣黃崗集地方亦尙寧帖并飭令叅

將馬濟勝知府張丕昌等移駐考城所屬石家

樓地方與沈洪駐守之曹考交界大寨集軍營

相爲犄角足爲豫東屏障臣仍隨時督飭嚴防

勿稍疎懈再臣探聞山東單縣地方有僧人緒

乾常往來京師行蹤詭譎當飭樊雄楚設法捕

獲臣親提研訊據該犯供俗本劉姓又名廣遠

係單縣人有胞兄劉林素習震卦教現在已經

山東拏獲該僧前在京師西城廣濟寺時劉林

及曹縣人布大曾往該寺商同推已經正法教

匪王子重之子王棟爲震卦教首並與林清來  
往多年該犯之戚程伯岳亦係單縣人習震卦  
教按月遣令伊孫程大秤與林清通信本年三  
月林清令其傳知衆頭目預備起事七月間林  
清復告知定於八月十五日直隸山東河南有  
六十四處地方並京城一齊起事迨八月內又  
告知改期九月十五日起事後緣金鄉教匪破

案是以各處先後起事不能如期等語詰以六十四處地方及人數姓名該犯不能記憶情詞炯燦現移咨東省將劉林飭解來江與之質對除將供出程伯岳各犯分咨查緝外其震卦教首王棟是否潛蹤京師應據實

奏明飭查辦理再據緒乾供稱該犯前在廣濟寺時有太監蕭得祿劉福慶二人到寺認識林清

亦同來會晤本年三月間林清令該犯往約蕭  
得祿劉福慶在

西華門內大慶軒茶館會晤密商作爲內應蕭得  
祿年七十餘歲面色光黑劉福慶年五十多歲  
面色黃白各等語臣查林清所供知情同謀太  
監內並無蕭得祿劉福慶二人但該犯既有此  
供不敢不據實密陳謹將該犯原供恭呈

御覽均奏入

上命軍機大臣傳諭托津曰早間據那彥成等奏到  
輝縣一股竄匪經特依順保等帶兵在輝縣司寨  
地方痛加剿殺殲斃二千四五百人生擒二百餘  
人並查明首逆李文成在內祇剩餘匪五六百人  
困守司寨現在併力攻圍卽日定可殲除淨盡並  
據同興奏到已將德州匪犯宋躍澐緝獲解京飛



咨托津速回開州正降旨諭知托津令其毋庸前  
往磁州仍回開州防守本日申刻接到托津奏報  
伊於十九日接奉前旨已由大名回駐開州在彼  
防堵辦理甚是現在輝縣竄匪指日剿淨李文成  
卽日就擒滑縣已無外援之賊官兵圍攻嚴緊指  
日克復惟克城之後零匪恐不免潰竄托津防守  
北面當廣爲偵探如有竄近之賊卽帶兵迎擊以

剿爲堵若賊匪聞大兵在彼於相距較遠之處奔  
竄托津亦毋庸帶兵遠追恐移師之後賊匪又乘  
虛而來轉無官兵攔阻總須緊顧北面勿令竄匪  
一名闖入爲要托津統俟滑城收復竄匪剿淨大  
局已定卽前赴那彥成軍營會商善後事宜妥協  
辦理

上諭內閣曰此次剿捕開州邊界賊匪該管兵等或

超越濠溝或拋擲火彈焚燬賊巢莫不踴躍爭先  
其文職人員守護城池籌辦軍糈亦俱奮勉出力  
護軍叅領福英阿著加恩交部議敘遊擊滿德坤  
候補遊擊班荆布俱著賞戴花翎遊擊邵能著賞  
換花翎防禦訥勒賀都司桂朝陽守備李學周千  
總楊永春郭連雲騎尉蕭廷翼把總閆增壽外委  
李龍俱著賞戴藍翎委護軍叅領色爾果善藍翎

侍衛吉爾章阿藍翎長扎玉善佐領成順千總郝  
殿元張景龍李貴蘇兆瑞于兆麟俱著以應陞之  
缺陞用守備王正剛柴連元俱著賞加都司銜額  
外外委韓益清兵丁王成吳永魁趙永陞俱著以  
把總補用原任副將扎布棟阿巴圖魯馬文斌著  
准其開復降二級處分原任遊擊劉英魁著賞給  
守備銜署開州知州周衡著賞戴藍翎巡檢沈潮

著以河工縣丞儘先陞用候補河工巡檢厲維梁  
著免補本缺以河工縣丞陞用原任知縣陳池養  
著准其開復原官以示獎勵

上又命軍機大臣傳諭百齡曰豫省由封邱西竄一  
股賊匪擾至林縣經那彥成派撥楊芳色爾滾等  
帶領官兵追至輝縣之司寨地方殲擒二千餘人  
餘匪五六百人困守山寨官兵併力圍攻即可掃

除淨盡滑城已合圍旬日旦晚克復但恐城破後  
潰匪西竄該督已將江豫交界之處分派將弁駐  
兵防守著廣爲偵探一有賊匪竄近卽嚴密堵剿  
其所奏拏獲通賊僧人緒乾訊取供詞并密奏二  
件覽奏俱悉林清在京謀逆其勾結各太監姓名  
俱經審明究辦廷訊時並經嚴詰未有蕭得祿劉  
福慶二人姓名林清之甥董惻太備知逆情所供

亦無二人姓名今據緒乾供出經該督再四詰問  
堅供不移宮中太監本確有此二人但蕭得祿雖  
係總管久已身故四年矣劉福慶係敬事房筆帖  
式向非首領年僅三十餘歲與所供相貌及五十  
多歲亦不相符大慶軒相會之語全屬子虛夢話  
必是緒乾在廣濟寺時二人赴寺拈香結何仇隙  
借事誣扳從此嚴訊必得實情著該督再親提緒

乾研究且毋將蕭得祿久已身故說破先詰劉福慶究竟是何年貌確於何時何地會晤實是何人在旁該犯如仍執前供再詰以蕭得祿久已身故本年四月間焉能在西華門外大慶軒與之相見務令確實供吐不可絲毫含混其王棟一犯已交步軍統領密拏到案嚴鞫與緒乾之供是否相符無難立辨緒乾在京中廟宇遊食有年或偶受蕭



得祿劉福慶欺凌挾嫌妄扳亦未可定原供內有  
與該太監素識之語便可從此根究實於何年因  
何結識若嚴詰之下該犯執詞甚堅供情確鑿蕭  
得祿雖已身故劉福慶實係同謀卽將供詞先行  
飛速奏聞一面將緒乾嚴密解京備質如該犯無  
可質訊亦著於審明具奏後再於該省按律辦理  
緒乾之兄劉林提到時著隔別訊問錄取確供一

併具奏案情重大該督毋得稍有枉縱